

書叢史歷廬芸

# 史戰大界世



燕乃張

館書印務商

書叢史歷廬芸  
史戰大界世

究必印認權作著有書此

中華民國十八年九月初版

每册定價大洋壹元貳角

外埠酌加運費匯費

編著者 張 乃 燕

發行兼 印刷者 上海 寶山 路 商務印書館

發行所 上海 及各 埠 商務印書館

Yuenlu Historical Series

HISTORY OF THE GREAT WAR

By

CHANG NAI-YEN, D. Sc.

1st ed., Sept., 1929

Price : \$1.20, postage extra

THE COMMERCIAL PRESS, LTD., SHANGHAI

All Rights Reserved

書叢史歷廬芸  
史戰大界世

究必印翻權出著有書此

中華民國十八年九月初版

回每册定價大洋壹元貳角

外埠酌加運費匯費

編著者 張 乃 燕

發行兼  
印刷者 上海寶山路  
商務印書館

發行所 上海及各埠  
商務印書館

Yuenlu Historical Series

HISTORY OF THE GREAT WAR

By

CHANG NAI-YEN, D. Sc.

1st ed., Sept., 1929

Price : \$1.20, postage extra

THE COMMERCIAL PRESS, LTD., SHANGHAI

All Rights Reserved

## 序



十五年春，予任中央教育行政於粵中，將半載，家人以先祖疾電告，辭職不獲，乃乞假返滬侍疾。是年冬，先祖棄養，爰遂居喪滬濱。時商務印書館編纂百科全書，以世界大戰一日見屬，予即將曩著之世界大戰全史提綱挈領，約得二萬言以應之。回憶往日編世界大戰全史時，亦在先父喪期，撫今追昔，能不慨然！十六年春，國民革命軍底定江浙，國民政府遷都南京，猥又兼任蘇省教育行政。是年夏，大學區制試行，復長中央大學區，公餘之暇，勉輯羅馬史一書，今歲春歲事，藁甫成，奉命典試浙江縣長，所命之歷史題，有關於世界大戰之原因經過及結果一題，徧觀試卷，鮮當意者。因於餘晷檢出為商務印書館所撰之舊藁，重為引伸修訂，並增巴黎和議一章及大事表，另為付梓，俾讀現代史者知其梗概，編教科書者有所取材。時又適值德意志簽定凡爾塞和約之第十周年，該國每年於簽字之日舉行國恥紀念，今

歲尤全國若狂，以視大戰前一切勇猛之精神，愈以刻苦而奮發，洵足爲民氣久墜及長受不平等條約束縛之中國示一良模。故是書之作也，不但使青年學子，對於世界大局之常識，益加明瞭，亦藉是以激勵國人，常懷警惕，斯則區區之微意云爾。

中央大學，一八七六。

張乃燕



戰場留影

君謀


七  
芸  
廬  
歷  
史  
叢  
書

# 世界大戰史

## 第一章 世界大戰之原因

### 一 三國同盟與三國協商

世界大戰發生於歐羅巴，蔓延於全世界。溯其原因，實胚胎於一八七一年德法戰爭以後。當是時也，德首相俾士麥以戰勝之餘威，奪取法之亞爾薩斯、洛蘭二州。法蘭西創鉅痛深，遂與德成不解之仇。然俾士麥手腕高強，乃於一八八二年結德奧意三國同盟以孤法勢。不足，則又修好於俄，結歡於英。故終俾士麥之世，法惟有吞聲飲恨而已。未幾，俾士麥於一八九〇年罷職。新帝威廉二世，雖有雄才大略，然不能繼續俾士麥之政策，於是歐洲形勢，爲之一變。一八九二年，俄法兩國，結爲同盟。爾時之英，與法與俄，皆爲世仇。然威廉二世既從事擴充海軍，以爲與英爭雄於



威廉一世在凡爾塞宮之加冕



海上之地；抑又築巴格達特鐵道，以窺波斯、印度與埃及，英遂與法、俄釋前嫌而言好。一九〇四年，英法協商告成；一九〇七年，英俄協商告成；是爲英法俄三國協商。日本原與英爲同盟，旋又與法、俄相協商，遂亦隱然爲協商中一分子。一九〇二年，意與法另訂密約，於是三國同盟，實際上已變爲兩國同盟。

## 二 同盟與協商在摩洛哥之接觸

三國同盟與三國協商既相繼告成，於是歐洲遂分爲兩大戰團。此兩大戰團隨時隨地可以接觸，而大戰亦隨時隨地可以發生。一九〇五年，德意志藉口不承認法蘭西在摩洛哥之保護權，以挑釁於法，而覘協商之實力。英遽然袒法，然與法同盟之俄，方挫於日本，無力西顧，法不得已以摩洛哥事取決於阿爾其西拉司會議，表示讓步。會議結果，列強承認摩洛哥之獨立，而予法蘭西與西班牙以摩洛哥之警察權。迨阿爾其西拉司會議方告終了，摩洛哥之排外運動屢起，而對於法人尤爲激烈。一九〇七年，法軍藉口保護僑民，陸續於卡薩布蘭加登陸。德意志深爲不

滿，致書警告。翌年，法軍中有脫逃事，駐卡薩布蘭加德領事隱爲庇護。法人大憤，幾至決裂，旋復相與協定，法許德在摩之經濟平等，德不干涉法在摩之政治利益，事遂寢。迨至一九一一年，法軍進佔摩京番市後，德遂以法之違背阿爾其西拉司條約，侵犯摩洛哥之獨立爲辭，乃遣礮艇一艘赴摩海口阿加第爾示威，若謂法對於摩而不改其政策，德將對法宣戰矣。英宣言不幸德，法戰事起，英將助法以攻德，於是雙方讓步，法乃割康哥十萬餘方哩之地與德，而摩洛哥遂歸法保護。顧結果雖如是，法以割地竣事，認爲大恥，德以失去摩洛哥一切利益，尤示憤懣。自是兩大戰團之仇視，愈進而愈深矣。


### 三 同盟與協商在巴爾幹之接觸

同盟與協商在摩洛哥之形勢既如彼，而在巴爾幹之形勢，尤爲險惡。一九〇八年，奧匈聯邦乘土耳其之革命，乃違背柏林和約，擅以波司尼亞、黑詹果維那併入版圖。波、黑兩州之居民皆塞種，塞爾皮亞覬覦既久，至是大憤怒，抗議至再。俄羅斯

素以斯拉夫族領袖自任，乃突下動員令以脅奧，於是德意志出而干涉，宣言願爲奧後盾。俄以其時新遭挫敗，元氣未復，不得已，與塞共承認波、黑兩州爲奧領土。奧既得波、黑兩州，意亦隨之以窺土之脫里波利。一九一一年，意、土戰爭遂起。時德、奧兩國方謀與土提攜，而意忽有此舉，更不啻予德、奧兩國以一大打擊。異日意、大利之脫離同盟，土耳其之加入同盟，兆於此矣。翌年，巴爾幹戰爭繼意、土戰爭而起。塞爾皮亞、蒙丹尼格羅、保加利亞、希臘四國乘土之敝也，會而攻之。及土耳其敗，四國又以權利分配未勻，自起衝突。塞爾皮亞、蒙丹尼格羅、希臘、羅馬尼亞四國聯合攻保。保獨力難支而敗，土亦乘機恢復失地。保自是銜塞、蒙、希、羅四國次骨，乃棄俄而轉與德、奧相結合。塞爾皮亞經此兩戰役，土地視前擴大一倍；然爲奧所阻，不得達亞得里亞海。爾時俄、奧兩國，皆已準備作戰，雖經調停寢事，而巴爾幹形勢，已如千鈞之懸於一髮矣。

#### 四 同盟與協商之軍備競爭

同盟與協商於外交之競爭而外，同時又爲其軍備之競爭。初，德意志以陸軍冠天下，英吉利以海軍長世界，時人以象與鯨喻之，各霸一方，不相犯也。無何，德意志擴充海軍，不遺餘力，英吉利遂從事艦隊之增造。德造二艦，英則三之四之。一九〇六年，英國第一無畏艦落成，是爲世界有無畏艦之始。德仿造，於三年中造成十七艘。一九〇八年，德下議院又通過造無畏艦五十八艘之議案。一九一四年，基爾運河竣工，嗣是德艦隊得出沒於北海、波羅的海之間。是時法已調其北海艦隊至地中海，英則調其地中海艦隊至北海，一意對德。此海軍之競爭



基爾運河之德國艦隊

也。陸軍方面，一九一三年，德、奧兩國均增常備軍，法改二年當兵制爲三年制，俄改三年制爲三年又四分之一，比實行徵兵制，意改革軍政。各國鈎心鬪角，惟恐或後形勢如是，欲求世界之和平，其可得乎？

## 五 海牙平和會

雖然，歐洲各國，若能解除或減輕軍備，戰禍或尙可避免。俄帝尼古拉二世有見於此，乃於一八九九年召集會議於海牙，所謂海牙平和會是也。然會議之結果，不但於解除軍備無所成就，抑且於減輕軍備之提議，亦不能通過。其得列爲會議之成績者，不過於海牙平和會得設永久法庭，以爲仲裁而已。一九〇七年，海牙平和會開第二次會議，議決者，祇爲遏止戰時之種種殘忍行爲，而對於軍備之解除或減輕，仍未能通過。厥後有提議於一九一五年續開會議者，不謂至一九一四年，世界大戰之導火綫，遽爾燃於塞拉約佛！

## 第二章 歐陸大戰之爆發

### 六 塞拉約佛之慘劇


一九一四年六月二十八日，奧匈聯邦皇儲斐迭南偕妃霍亨堡女公在波司尼亞首邑塞拉約佛閱兵，當其驅車至市會時，突遭狙擊於途。初刺未中，再刺，皇儲夫婦皆飲彈而死。刺客均波黑二州之塞種人，立就逮，供詞牽累甚衆，皆塞種人。初奧之歸併波黑二州與阻塞之達亞得里亞海，皆出斐迭南之謀。斐迭南之意，欲於奧匈二重聯邦之下，更建一南斯拉夫王國。



八

奧皇儲夫婦被刺前一小時

使之自治，與奧、匈二國鼎峙，以成三重聯邦。塞人則欲以奧之波司尼亞、黑詹果維那、克魯西亞、達爾馬西亞歸併於塞爾皮亞，以成大塞爾皮亞。時奧帝弗蘭茲約瑟，




弗蘭茲約瑟

年已八十有四，在位之日，可屈指數，預計異日斐迭南嗣位，即其主張貫徹之時。不料斐迭南未及貫徹其主張，竟以身殉云。

### 七 奧塞之決裂

奧政府以皇儲之被暗殺，其策源地實在塞都貝爾革拉特，乃於七月二十三日向塞發最後通牒，要求禁止一切排奧舉動外，塞政府懲辦暗殺案之關係人，由奧政府列舉姓名，塞政府處分此等關係人時，由奧政府派



宣戰，距皇儲被刺之日適匝月。

八 同盟協商之開戰

喬治五世與尼古拉二世

員共同裁判，限四十八小時答復。塞政府以條件苛刻，與國家之獨立有關；且謂奧政府而未能滿意，可交海牙法庭公判，否則取決於列強之會議。不謂答復至維也納，奧政府意殊未饜，至二十八日，遂向塞



塞之不屈，恃俄之爲其後援，奧之堅持，亦仗德之爲其臂助，於是奧、塞間之問題，遂變而爲同盟、協商間之問題。故當奧、塞決裂之時，俄藉口不忍其同族小國之遭摧殘，遂下動員令以爲抵制。德於俄下動員令，認爲軍事行動，要求取消。俄置不理，德遂於八月一日對俄宣戰。同時問法對德，俄戰事之意向若何，法則依其利益所在答之。三日，德又對法宣戰。德之軍事計畫，爲一鼓破法，然後還師擊俄。顧法毗連德境之區，堅壘層疊；而毗連比境者，則防禦懈弛。故德於八月二日佔盧森堡，同時要求假道於比利時。比拒之，四日，德軍進發比境。英比僅隔一海峽，比爲德有，則英不能守，德軍可以乘勢登陸。故英要求德軍退出比境，德置不理，英遂於四日對德宣戰。

## 九 同盟與協商之陸軍與海軍

大戰開始矣，當未紀戰事之前，請先述同盟與協商之陸軍與海軍。陸軍方面：德意志平時有兵八七〇、〇〇〇人，戰時五、二〇〇、〇〇〇人；奧匈聯邦平時四